



INFORMASHON PA PRENSA

Fecha

7 di sèptèmber 2015

Account Manager

Jhanirha Da Costa Gomez-Anita

Email

jhanirha.anita@gobiernu.cw

Reunion ku Obra Públiko

Den kuadro di informá pueblo di Kòrsou mas kompleto posibel, Minister Camelia- Römer a tene un reunion ku Servisio pa Obra Públiko ku ta e órganu yama pa supervisá tur e proyektonan di Man na Obra (Inhaalslag).

Durante e reunion aki minister a para ketu na:

- E (posibel) molèsternan ku ta surgi di kada proyekto;
- E inkumbiniensianan ku e kambionan di ruta a trese kuné di kada proyekto;
- E fasenan ku kada proyekto ta aden;
- Seguridat den tráfiko;
- Aksesu na kasnan i negoshinan

Aki ta sigui un resumen di tur e trabounan di rekonstrukshon ku ta tumando lugha den kuadro di proyekto Man na Obra.

Oude Caracasbaaiweg

E trabounan di rekonstrukshon di Oude Caracasbaaiweg a kuminsá djaluna 24 di ougùstùs. E proyekto ta dura mas o ménos 3 luna i ta enkargo di e kontratista Aliansa B.V.

E trabounan lo enserá: 1) kibra e asfalt, 2) saka e fundeshi dañá, 3) pone un fundeshi nobo, 4) pone asfalt bèk, 5) traha alsera tur dos banda di kaya pa peaton por kana. Ora ku kibra e asfalt lo pone algun pipa grandi pa fangu awa di áwaseru i guia esaki atraves di e pipanan pa bai e roi ku tin den e area. Di e forma aki ta minimalisá e molèster di awa ku ta keda para.

Servisio pa Obra Públiko huntu ku kontratista ta indiká ku e trabou ta kanando bon. Sa sosodé ku habitante/usuario ta 'take chance' i hala un bari ku despues e kontratista ta pone bek na su lugá. Ta pidi un i tur pa respetá e barinan aki komo ku nan tei pa indiká ku e kaya ta sera i pa garantisá seguridat di trahadónan.

Erosweg/Rondeklipweg

Trabounan di rekonstrukshon di Erosweg/Rondeklipweg a kuminsá djaluna 31 di ougùstùs 2015. E trabounan ta na enkargo di e kontratista MNO Vervat i tin un durashon di mas o ménos 3 luna.

E trabounan ta enserá entre otro: 1) kibra e asfalt, 2) saka e fundeshi dañá, 3) pone un fundeshi nobo, 4) pone pipanan di transportá awa di áwaseru mas grandi, 5) pone asfalt bèk.

Tambe lo tuma sierto medidanan pa alsa seguridat di tráfiko dilanti di e skol riba Erosweg.



INFORMASHON PA PRENSA

Fecha

7 di sèptèmber 2015

Account Manager

Jhanirha Da Costa Gomez-Anita

Email

jhanirha.anita@gobiernu.cw

Servisio pa Obra Públiko huntu ku kontratista ta indiká ku e trabou ta kanando bon segun e planifikashon original.

Rotonde Santa Rosa

Den e siman di 24 di ougùstùs 2015 trabounan di konstrukshon di e rotònde na krusada Sta. Rosaweg/Seru Loraweg/Kaminda Rignald Recordina/Kaya Bam Bam Meulens a kuminsá. E trabounan ta na enkargo di e kontratista Curaçaose Wegenbouw Maatschappij (CWM) i lo tin un durashon di mas o ménos 8 luna.

E trabounan ta enserá entre otro: 1) traha un rotònde na e krusada Sta. Rosaweg/Seru Loraweg/Weg naar Sta. Catharina, 2) alsa seguridat di tráfiko den e áreanan kaminda tin skol, misa i hopi negoshi, 3) krea espasio pa peaton por kana, 4) traha algun krusada elevá, 5) pone separashon físiko riba e kaminda, 6) drecha iluminashon públiko, 7) asfaltá e kaminda di nobo.

E fase di trabounan ku lo keda ehekutá e aña aki ta entre Katunastraat ku Kadushistraat. E resto di e proyekto lo wòrdu ehekutá otro aña

Servisio pa Obra Públiko huntu ku kontratista ta indiká ku ta bai aliviá molèster i pa e usuarionan por hasi uso mas fásil di e kaminda alternativo lo laga kita parti di un palu ku ta kologá hopi riba kaminda.

Kuerpo polisial a bini e petishon pa stòp e lusnan di tráfiko traha pa un periodo di tempu definí pa asin'aki aliviá e fluho di tráfiko. Lo evaluá e posibilidat pa pone un polis pa regulá tráfiko na e sitio aki.

Santa Rosaweg na altura di Beurs

E trabounan di rekonstrukshon di Santa Rosaweg na altura di Beurs a kuminsá dia 27 di ougùstùs. E proyekto ta dura mas o menos 4 luna i ta enkargo di e kontratista Curaçaose Wegenbouw Maatschappij (CWM).

E trabounan lo enserá: 1) kibra e asfalt, 2) saka e fundeshi dañá, 3) pone un fundeshi nobo, 4) pone asfalt bèk, 5) traha alsera tur dos banda di kaya pa peaton por kana

Plasa Hariri (Rotònde Palu Blanku)

E trabounan di rekonstrukshon di Rotònde Palu Blanku a kuminsá na komienso di sèptèmber. E proyekto ta dura mas o ménos 8 luna i ta enkargo di e kontratista Aliansa B.V.

E trabounan ta enserá ku ta bai kambia Plasa Hariri di tal manera ku e lo bira un rotònde



INFORMASHON PA PRENSA

Fecha

7 di sèptèmber 2015

Account Manager

Jhanirha Da Costa Gomez-Anita

Email

jhanirha.anita@gobiernu.cw

moderno. Lo bini alseranan di klenku, lo pone iluminashon nobo, i lo asfaltá e área rondó di rotònde di nobo.

Servisio pa Obra Públiko huntu ku kontratista ta indiká ku e trabou ta kanando segun planifikashon. Tabatin ku muda un palu grandi i pone esaki temporalmente na klein hofje durante e periodo ku ta traha na e rotònde.

E fluho di tráfiko ta kana bon durante dia. Mainta trempan, mèrdia i atardi despues di trabou e tráfiko ta bira mas tantu, pero e ta regulá su mes bastante lihé. Outomobilistanan mester tene kuenta ku e oranan, konosí komo 'piek-uren', sa ta drùk ainda.

Snipweg/Corrieweg

E trabounan di rekonstrukshon di Snipweg i Corrieweg a kuminsá dia 8 di sèptèmber. E proyekto ta dura mas òf ménos 3 luna i ta enkargo di e kontratista MNO Vervat.

E trabounan ta enserá entre otro: 1) kibra e asfalt, 2) saka e fundeshi dañá, 3) pone un fundeshi nobo, 4) pone asfalt bèk, 5) traha alsera tur dos banda di kaya pa peaton por kana. Tambe lo tuma sierto medidanan pa alsa seguridat di tráfiko na altura di Probista.

Servisio pa Obra Públiko huntu ku kontratista ta indiká ku e trabou ta kanando bon segun planifikashon

Venezuelaweg

E trabounan di rekonstrukshon di Venezuelaweg ta kuminsá dia djamars 8 di sèptèmber. E proyekto ta dura mas o ménos 6 siman i ta enkargo di e kontratista Aliansa B.V.

E trabounan ta enserá entre otro: 1) kibra e asfalt, 2) saka e fundeshi dañá, 3) pone un fundeshi nobo, 4) pone asfalt bèk, 5) traha alsera tur dos banda di kaya pa peaton por kana.



INFORMASHON PA PRENSA

Fecha

7 di sèptèmber 2015

Account Manager

Jhanirha Da Costa Gomez-Anita

Email

jhanirha.anita@gobiernu.cw

Pasonan importante pa minimalisá molèster

Minister a hasi un petishon a na Obra Públiko pa riba tèrmino kòrtiku sinta ku e diferente kontratistanan pa tuma sierto medidanan pa sigurá ku trabounan lo por kana mas lihé i mas prinsipal ménos molèster pa e habitantenan.

Aspektonan ku lo por tene kuenta ku ne ta:

- Ahustá e planifikashon
- Hasi sierto trabounan den fin di siman
- Hasi sierto trabounan di dia i anochi.
- Un number pa lokalísá VVRP/OW na momento ku tin un keho òf sugerensia;
- Palabrashonnan di ku Aqualectra i UTS i FLOW
- Trayektonan di informashon pa e proyektonan andando i kon ta atendé ku e 20 otro ku tin ku bin;
- Lansamentu di websait Oloshi ku lo yuda nos tene e pueblo i Kòrsou na altura di tur desaroyo pendiente

Minister Camelia-Römer a lansa e website nobo www.oloshiii.com pa pueblo por tin un mihó bista di tur e proyektonan ku ta andando. E tres I nan tras di e oloshi ta para pa inová, integrá i inkluí. Lo sigui duna mas informashon na nos komunidad di tur e proyektonan aki i esnan ku ta na kaminda.

Minister Camelia-Römer ta gradisí tur habitante i usuario di e kareteranan aki adelantá pa nan kompreshon i koperashon durante ehekushon di e trabounan aki.

Minister Camelia-Römer ta pidi koperashon di tur outomobilista pa bai ku koutela prinsipalmente kaminda tin trabou di mantenshon tumando lugá. Esakinan sigur ta na benefisio di primeramente e habitantenan, usuarionan i pueblo di Kòrsou en general.